



Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 16/09/2025

**Här President,**

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Sozialversécherung weiderzeleeden.**

Laut rezenten Informatiounen huet d'Caisse Nationale de Santé (CNS) am Joer 2024 en Defizit vu 25 Milliounen Euro gemaach. Et gëtt virausgesot, datt dësen Defizit an den nächste Jore weider wäert wuessen an dass d'Reserve vun der Krankekeess séier kéinten opgebraucht ginn.

An dësem Kontext sollen divers Aspierungen ëmgesat ginn, dorënner bei de Käschte fir d'Laboanalysen, wou ënnert anerem bal 11 Prozent agespuert gi sollen. D'Membere vun der Fédération Luxembourgeoise des Laboratoires d'Analyses Médicales (FLLAM) hunn entspriechend Efforte gemaach fir dat Zil ze areechen.

Eis gouf zougedroe, datt d'Ministesch an engem rezente Bréif elo Aspierungen vu 17 Prozent soll gefuerdert hunn, eng Fuerderung, déi bis dohin ni a dëser Héicht gestallt gi war.

An deem Zesammenhang wéilt ech der Ministesch dës Froe stellen:

1. Ass et richtig, datt d'Ministesch an engem rezente Bréif Aspierungen vu 17 Prozent bei de Laboratoireanalysen gefuerdert huet? Wann jo, op wéi enger Basis gëtt dës nei Fuerderung gerechtfäerdigt?
2. Wéi evaluéiert d'Ministesch déi Efforte, déi d'FLLAM-Membere bis dohin ënnerholl hunn, fir ronn 10 Prozent vun de Käschten ze spueren? Gëtt dës Leeschtung als onzoureechend ugesinn?
3. Wéi garantéiert d'Ministesch, datt dës Spuerpolitik net op Käschte vun der Qualitéit vun de medezinesche Laboratoireesservicer geet a mat de beruffleche Standarden am Aklang bleift?



4. Wéi eng Spuerpolitik ginn aktuell bei den anere konventionéierte Prestatairen aus dem Gesondheetssecteur vun der Gesondheetskeess gefuerdert a wéi vill Prozent Reduktioun mussen déi jeeweils errechen?
5. Plangt d'Regierung weider Consultatioune mat de concernéierte Beruffsorganisatiounen, bevir definitiv Decisiounen iwwer dës Aspuerung geholl ginn, vue dass Regierungsdecisioune Verhandlung kënne virentscheeden?

Mat déiwem Respekt,



CLEMENT Sven  
Deputéierten

